

欽定四庫全書

普濟方卷三百一

下部瘡門

總論

明周王朱肱撰



陰瘡者有三等一濕陰瘡二妬精瘡三陰蝕瘡又曰下
疔瘡蓋濕者由腎經虛弱風濕相搏邪氣乘之瘡痒成
瘡浸淫汗出狀如癬瘡是也妬精由壯年精氣盈滿久

曠房室陰上生瘡赤腫作舊坊悶痒痛是也陰蝕瘡由
腎臟虛邪熱結下雋經絡痞澁氣血不行或房勞洗浴
不潔以致生瘡隱忍不醫愀痛尤甚袖瘡在裏手指無
妨疼痛炷悶或小便如淋陰丸腫痛或經十數日潰爛
血濃肌肉侵蝕或血出不止以成下疳若身體壯熱煩
渴惡寒宜急治以大豆甘草湯漬之潰毒湯等洗之服
五香連翹漏蘆湯疎之更以截疳抵聖散乾摻四畔摩
風膏潤之後以將護忌慎之渴不止者竹葉黃耆湯大

便軟者服托裏茯苓等藥調治之 腎臟風論曰實則
為痛虛則為痒癢之出於腎虛也明矣腎屬足少陰之
經囊間濕痒調之腎臟風世所共知也孰知宗筋聚於
陰器足厥陰之肝系焉惟腎主虛惟肝主風人之情血
不充肉為嗜欲所耗外為風冷所乘風毒濕氣皆從虛
入囊間其有不痒濕者乎脚下其有不瘡瘍者乎療治
之法先當疎散風邪流行濕毒夫然後以芎歸活血與
細辛蒺藜驅風數輩潤養而平治之若欲據用川烏故

紙燥烈之劑吾恐攔住內邪病無由愈間有患者為酒
麵灸博所傷腎虛而挾熱如猪肚黃連蒸為丸子不可
無其或不施藥餌一切從事於熱湯雖沃之暫止然真
氣愈泄肝腎愈虛或者未知攸濟

方

宣毒方 治腎餘氣瘡

苦參 荆芥 當歸 川芎 玄參 白芷 各半

黑牽牛 一兩 烏蛇 一條 青黛 半兩 一半入藥一半為衣

右先將牽牛巴豆肥白者去殼三十粒慢火炒令巴
豆黑色去巴豆用黑牽牛同前九味為細末却將煨
熟大蒜搗細看稠得所丸時入糊合丸如梧桐子大
每服十九鹽酒下

浴毒丸 出瘡科 精要方 治小腸風陰瘡痒痛

木通 藁本 枳殼 管仲 白芷 荆芥

甘草 薄荷 各等分

右咬咀用藥二兩水五升入芒硝半兩煎至三升熱

洗浴瘡

陰瘡膏 治男女陰瘡

米粉 一酒杯許 芍藥 黃芩 牡礪 附子 白芷 各十

八銖

右吹咀以不鍾水猪膏一斤微火上煎三上三下候

白芷黃膏成攪滓去內白粉合傳瘡

猪蹄湯 出聖惠方

治陰瘡膿血不絕

猪蹄 二枝 黃栢 三分 敗醬 三分 黃芩 半兩 黃連 三分 甘草 一分

營實根 一兩

右搗羅為散用漿水二升煎至一升半熱用洗之

七寶櫛榔散 出德生堂經驗 治下元玉莖上或包頭內有疔

瘡漸至蝕透不愈者

櫛榔 密陀僧 雄黃 輕粉 黃連 黃栢

朴硝

右為細末入麝香一匙和勻再研細先用葱白漿水

洗淨軟帛掩乾如瘡濕乾摻如乾小油調塗

玉粉散 治下陰瘡疼不止

寒水石 煨 密陀僧 滑石 各半 賦粉 麝香 各少許

右為細末油膩或乾貼

牡蒙散 出聖惠方 治陰下生瘡濕痒失精

牡蒙 菟絲子 栢子仁 蛇床子 蓰蓉 各二兩

右治下篩酒服方寸匕日三以止為度一方無蛇床

子

宣風散 出仁齋直指方 治踈肝腎風

大鷄心檳榔 二個 橘皮 半兩 甘草 焙三錢 牽牛 生取來一兩炒

右為末每服二錢密湯調下

全蝎散 出仁齋直指方 治腎臟風發瘡疥

鷄心檳榔 一大個破開以黃革丹一錢合在內溫紙裏煨 明硫黃 研二錢 生

號丹 一錢 全蝎 三枚

右為細末入輕粉半錢麝香少許於磁器收每用少

許麻油調抹兩掌先以鼻臭男以兩掌揜外腎女以

兩掌揜兩乳各睡至醒次日又如此用藥屢効

又方 出仁齋直指方

右用大紅川椒去目水蘸濕半日夾生杏仁研膏擦手如上法亦驗

烏頭丸 出衛生家寶方

治腎臟風上攻下疰生瘡并癬

川烏 二兩 草烏 一兩二味以黑豆半升煮透軟去皮切日乾

天麻 地龍

去土 白附子 各半

右為細末酒糊為丸桐子每服二三十丸空心食前

鹽酒或鹽湯下

輕黃散 治水莖上生瘡不乾見骨者

大黃 三錢燒 黃栢 二錢燒 輕粉 少許 久年壁土 東向者一錢

右先用溫熱水洗淨血水以綿帛拭乾然後藥乾滲

切忌房室

硫黃散 出聖惠方 治陰上生瘡

硫黃 半兩 赤石脂 半兩 麝香 一錢 膩粉 一錢

右藥都和如粉每先以甜淡漿水溫洗令淨宜乾貼

之

牡礪散 治陰囊兩傍生瘡或陰濕水出甚痒甚苦夜

則抓之無足後必自痛或兩腋汗脚柄心常濕汗無所柰何此藥主之予親得此證受苦數十年得此方隨用二三日如法搽之二十餘年不發實為神効

枯白礪 四兩 黃丹 炒二兩 牡礪粉 二兩

右為細末遇夜睡手捏藥於痒處痛擦之不一時又擦之三四次後頓減次夜再擦雖大減又搽後日然

平復如腋汗亦有頓搽方可脚汗先搽大減又搽後裝藥靴或鞋底上脚板上塗藥纏脚裹之一可

麻黃根粉 治腎勞熱陰囊生瘡

麻黃根 各二兩 石硫 各二兩 米粉 五合

右治下篩安絮如常用粉法搽瘡上粉温更搽之

胡連散 治陰生瘡腫痛

胡粉 三錢 黃連末 一錢 五倍子末 一錢

右藥都和研為散先以甘豆湯淨洗拭令乾以藥末

敷於瘡上日再用之

天雄散 治陰生瘡腫痛

天雄一枝末 膩粉一錢 麝香一錢

右細研為散以溫漿水洗瘡淨後用津液塗之

夾鹽散 治陰瘡及惡瘡

鼓子草根一把 大麥三十粒 鹽少許

右搗令爛傅瘡上一易經三日後三日一易

遠志散 治莖中痛囊津液不行

遠志去心 五倍子焙 蛇床子各等分

右為細末每用藥末五錢水三升入葱白三寸同煎五沸去滓熱淋滌效

桑枝湯 治陰瘡

桑枝二握 葱二握

右以水三升煎至二升去滓稍熱浴瘡上一方水煎桑白皮湯洗之

蚯蚓散 治陰莖瘡

豆粉一分 蚯蚓二分

右用水研塗上乾又敷之一方用豉一分

黃白散 治近穀道四畔時復生泡痒而生痛無非風

毒流行去風乾水足矣

黃栢皮 黃連去鬚 白礬煨 白蛇皮燒灰各等分

右為細末重篩入麝香臘茶末各少許和勻津唾調

塗過痒抓破水出即塗如水多即乾搽

石灰散 治腎漏陰囊先腫後穿破出黃水瘡如魚口

能致命

右用五倍子同石灰炒黃色去灰攤地出火毒炒盆

內研為細末不犯銅鐵乾搽瘡上五七次愈

又方

右用豆豉燒灰貼之

蛇床散 治陰囊生瘡疼痛

右用川椒荆芥火揪草蛇床子煎湯洗後用鷄清調

朴硝末塗之即見效

荊芥湯 治玉莖上生瘡

右先用荊芥黃栢煎洗後用黃白真蚌粉荊芥青黛為末乾摻瘡上

丹胞散 治莖上生瘡臭爛者

右以猪胞一箇連尿去一半用新磚兩口炭火煨新磚將猪胞連尿於磚上焙乾不住手一回移放於兩口磚上輪流不歇莫與火煨過胞以尿乾為度研為末入黃丹一錢先用葱湯以鷺毛沫洗以舊綿帛滲

乾此藥搽三次立見効

鱉灰散 治丈夫陰頭癰不能治者

右用鱉甲頭燒灰以鷄子白和傅之及治婦人陰脫肛

地連散 治玉莖上生瘡

右用地骨皮煎湯洗訶子連核燒存性為末乾摻

川連散 治下部注瘡

右用宣連為細末漿水調成餅攤於碗面上內用艾

及川甲三片燒烟覆椀薰成黑色再取下如是者五次以黃連餅黑色為度地上出烟毒再研細濕塗乾清油調塗三四先用黃白藿香茵陳煎湯溫洗

煎密散 療男子陰瘡損爛

右爛煮黃栢洗之又用白密塗之一方密灸焦為末傳於瘡上

臘茶湯 治陰囊上瘡

右用臘面茶為末先以甘草煎水洗後用貼妙

猪脂散 治天行蠱瘡

右用猪蹄燒灰以猪脂和敷日五六用

桃熊散 治熱病後下部生瘡

右取濃煮桃白皮如稀錫內少許熊膽以綿蘸藥內下部瘡上

黃栢散 治楷當

右先用熱溫水洗過楷痛處却用黃白皮末一錢和勻新米泔調塗或用新米泔調服三五服

水瘡湯 療陰瘡陰邊如粟粒生瘡及濕痒

右以槐北面不見日處白皮一大握鹽三指一撮以水大二升煮取一升洗之三五遍適寒温用若涉遠恐衝風即以米粉和塗神效

蠟燭平胃膏 治腎臟風瘡

右用平胃散以蠟燭油煎過候冷調傅瘡愈

合掌散 治腎臟生瘡

右用檳榔硫黃為末臨睡用香油調掌心上鼻臭之

却以藥抱外腎睡二三日用之效

治陰痒生瘡

右嚼胡麻塗之驗

治水莖上生瘡不乾見骨者

右用烏賊魚骨末按滿瘡口以紙纏之

治楷檔

右又嫩楓葉搗爛擦之立愈

又方

又用老鴉酸草又名酸毒草擲爛指擦指擦以冷水洗之

又方

右用馬屁勃即灰菰尋常採收如有此疾先用溫水或冷水輕輕洗淨以菰為末摻患處如新菰不必為末將菰擦患處

治男子腎生瘡癬作痒

右以百草霜用香油調搽立効

治陰囊上瘡

右用甘草煎湯溫洗却用鵝茶末就敷貼一方用地龍糞輕塗

治天行蠱下部生瘡

右濃煮桃皮如糖以內下部中若口中有瘡含之

治陰瘡

右用狼牙五兩細剉水五升煮至三升溫洗之

治下部生瘡已至潰爛

右服牡丹方寸匕日三服

又方

用桃皮葉杵水漬會濃者去滓着盆中漬之蟲出

療男子陰瘡

右以密煎甘草末塗之大良比有人患塗頭睡次下瘡欲斷者以猪肉湯漬洗之後用黃栢等為末傅之

治陰痒痛

右用車前子以水三升煮三沸去滓服

治陰生瘡

右燒杏仁研為末傅之

淫汁方 治莖物腫爛

右用大附皮一升夾苦參荆芥煎湯溫洗拭以津唾塗次用油髮燒存性入些白艾末敷逐日煎湯密洗換藥或用乳香龍骨散仍服蠟礬丸并髮灰用米飲調下

淋瀝藥 治莖痛囊縮津液不行

右用蛇床子去皮揀淨四兩為齋末每用藥一兩水
二碗煎一碗半去滓乘熱薰下部候通手淋浴臨睡
用

松節散 治腎風瘡

右用松節和羝羊尿白礬一處燒瀝油搽瘡上立効

治下部痒蟲方 出聖 惠方

硃砂 一分 細研 白礬 一兩 燒灰 芎藭 半兩

右為末每用綿裹一錢內下部中日再易之

又方 出聖 惠方

用蛇一条如指齋者掘地作坑置蛇於中燒之取有
孔板覆坑上坐薰之其蟲盡出

神效方 出仁齋 直指方 治莖頭三五孔小漏瘡出血微濃

右用香髮燒存性敷乾則津唾調髮灰食前服

烏喙湯 治若有瘰肉突出

右以苦酒三升浸烏喙五枚三日一洗一日夜三四

度瘥

治陰下濕導引法

養方導引法云卧令兩手布膝頭取睡置尻下以口
內氣腹脹自極以鼻出氣七息除陰下濕少腹裏痛
膝冷不隨

治人下部中痒

出十便
良方

右以蒸棗取膏以水銀熟研丸之令相得長二三寸
以綿薄裹內孔中蟲出瘡

治穀道中瘡

右以水中荇葉細搗綿裹內下部日三

胡粉散 療陰瘡

黃栢 黃連

各三分

胡粉

一分

右為末調傅日三婦人綿裹棗核大內之

隨痛如刺方

出肘
後方

但服生麝干汗取下亦可服丸藥下之云作走馬
湯亦在尸注中有

訶子散 治妬精瘡

有富家子唐靖者年十八九未娶忽於陰頭上生瘡
 初祇針眼大畏疼不敢洗刮日久連莖爛一二寸許
 醫不止用膏藥貼之愈痛有道人周守真謂此名下
 疔瘡亦名妬精瘡緣此為後生未娶精氣溢盛陽過
 興起當泄不泄不泄強泄脹斷嫩皮怕痛失洗日久
 遂爛有害性命若治此瘡須是斷房事數先用荆芥
 黃栢皮馬鞭草剉入葱煎湯洗令去濃麪以訶子燒
 灰入麝香乾摻患處令睡時喫冷水兩三口勿令陽

道興起腸斷瘡麪堅即安

雙妙散

出十便
良方

療男子陰卒腫方

鷄翮

六枚
燒

蛇床子

等分

右二味為末以飲少許隨卵左右取鷄羽

又方

出十便
良方

煮桑根皮汁洗之

又方

出十便
良方

治陰下濕痒成瘡

吳茱萸

三合

右用水三升煮三五沸以洗之諸瘡亦甚妙也

治蟲已食下部肛盡腸穿者

用長股蝦蟆青背者一枚鷄骨一分並燒灰為末
合吹下部令深入數用大驗

治下部蟲齧

用梅葉桃葉杵一斛蒸之令極熱內小器中大布

上坐蟲死

茴香散

出千金方

治陰瘡風冷所傷疼痛方

白蒺藜

附子

茴香子

右件藥等分搗細為散每於食前以溫酒調下二錢

止痛丸

出聖惠方

治陰痛不可忍

吳茱萸

二兩

檳榔

一兩

茴香

一兩

右件搗羅為末用醋煮麵糊和丸如梧桐子大不拘

時候以熱酒下二十九

陰頭生瘡

溪螺

溪港中螺也
舊者為妙

右甘錫煨過為細末仍先以鹽水洗五七次後以此藥傳之

又方 治穀道生泡痒而復痛此風毒流行證

枯礬 半字

和勻米泔調塗此方專治行路楷檔穀道痛仍用水

先洗

唾調散 出本草 治同前

右五倍子末唾調傳

治陰頭上生瘡 出本草

以蜜煎甘草塗之瘥

治陰莖上瘡痛爛 出本草

用豉一分蚯蚓濕泥二分水研和塗上乾易禁熱

食酒菜蒜

治毒攻下部生瘡者 出本草

用槲苦皮合檫皮煮汁如飴糖以導之

一方 出本草 治腎瘡腰痛

蛇床子五倍子蕪荑煎湯以帛囊盛稍熱洗之先
鹽洗眼或以蕪荑剪草黃連全蝎黃栢末麻油調
傳

濕陰瘡 附論

夫虛勞陰瘡者為腎氣榮於陰今腎虛不能榮則津液
汗出於陰也虛則為風邪所乘客於腠理而正氣不洩
邪正相干在於皮膚故痒搔之則生瘡也

方

天雄丸 治虛勞陰萎濕痒搔之汁生瘡小便淋漓或
赤黃莖中痛甚者失精劇苦尿血月視眩得風戾出
脚弱不能久立宜服

天雄 一兩炮裂 蛇床子 三分 細辛 半兩 川大黃 半兩 剉

杜仲 三分 去粗皮 栢子仁 三分 白茯苓 三分 防風 半兩 去蘆

草薢 三分 芎藭 三分 澤瀉 三分 苾蓐 三分 桂心 三分 遠志

半兩 川椒 半兩 去目閉口 牛膝 三分 石韋 半兩 山

茱萸 三分 白朮 三分

右搗羅為末鍊密和搗三五百杵丸如梧桐子大每服食前以温酒下三十九

蛇床子丸 治虛勞陽氣衰絕陰萎濕痒生瘡

蛇床子

三分

續斷

半兩

薯蕷

半兩

桑寄生

半兩

肉蓯蓉

一兩

酒浸

一宿刮去

附子

半兩炮製去皮臍

菟絲子

一兩酒浸三日曝乾別掉為末

遠志

半兩去心

苩芎

半兩小淘去浮者水煮芽出焙乾為黑色

右搗羅為末鍊密和搗三二百杵丸如梧桐大每服食前以温酒下三十九

小浴方 治虛勞陰濕痒生瘡

川椒

一兩半

蛇床子

苦參

一兩半

白礬

一兩

香附子

一兩

桂心

三分

白芷

一兩

狗脊

一兩

細辛

一兩

右搗羅為散每用一兩以水三升煎至二升去頃入盆子內但蒸熱氣坐盆子上薰之良久通身便洗患處甚者不過三五度

乳香龍骨散 治外腎濕痒淫爛如癩

龍骨

石膏

生

五倍子

各一分

白芨

乳香

黃革

丹 各半 麝少

右為細末先以苦參大附皮紫蘇莖葉溫洗後傳

螵蛸散 治虛勞陰濕生瘡

桑螵蛸灰 一分 牡礪粉 半兩 米粉 一分 胡粉 一分 騏麟竭

一分 密陀僧 一分

右研細末如粉用塗瘡

沐浴長春散 治男子下元虛濕久冷陰囊左右夜痒

抓之則喜任之則痛或瘡流水為害甚苦此藥見効

及婦人下部陰濕胎元冷

牡礪 蛇床子 破故紙 官桂 紫稍花 乾

荷葉 各等分

右咬咀每服一兩半水一小鍋入葱白數莖煎至八

分去滓先薰後洗却用枯礬一兩半入黃丹半兩蛤

粉半一處和勻研末洗用手捏藥搽濕痒處

螵蛸散 治陰瘡或痒

桑螵蛸灰 一分 胡粉 一分 硃砂 一分 騏麟竭 一分

右細研如粉貼於瘡上

黃粉散 治陰囊上生瘡黃水流注有妨行步

五倍子 黃栢 滑石 輕粉等分

右為細末貼之數次即愈

硫黃散 治虛勞陰濕生瘡

麻黃根末半兩 硫黃半兩 米粉一分
兩 兩 細研

右研令勻細每用如粉塗之

騏麟竭散 治虛勞陰濕生瘡

騏麟竭半兩 坐孽三兩 黃蘗半兩
兩 兩 兩

右搗羅為末入膩粉一分都研令勻如瘡破有濃水

即乾上如無濃水即以生油調塗

臘茶散 治陰瘡痒瘡出黃水久不瘥者一名五信散

臘茶 五倍子各等分 膩粉少許

右為細末先以漿水葱湯洗之頻傅椒湯尤佳一方

不用臘茶

黃龍散 治濕乾瘡癬黃汁浸淫色如香辨

黃栢 龍骨 赤石脂 各一兩

右為細末好酒調掃瘡或乾貼之

槐白皮湯 出聖惠方 治虛勞陰濕痒生瘡

槐白皮 二兩 黃栢 一兩 香茅葉 一兩

右細剉以水三升煎至二升去滓看冷煖洗之

烏梅散 出聖惠方 治虛勞陰濕痒生瘡

烏梅 十四枚 青錢 四十文 鹽 三錢

右以水酒各一升於銅器內煎至升半去滓看冷煖

洗立効一方與臘茶散相隨用之一方有醋一升一

方水煎服

佛手散 治濕疔瘡癬痒痛皮爛

黃丹 炒黃 豆粉 炒黃

右研勻清油調掃瘡上後摻如聖散

如聖散

石膏 黃芩 去皮心

右為細末乾摻之瘡上以復佛手散

猪寄散

出聖惠方

治虛勞陰濕痒生瘡

猪蹄 二枝

剉

槐樹寄生

細剉 二升

右以水五升煮取三升去滓看冷熱洗瘡三五度用之永瘥

玉粉散 治陰瘡浸淫不止

白礬 枯 定粉 各等分

右細末先浴淨淹乾搽之

鷓鴣散 治陰下濕痒

右用黃鷓鴣以先粉滑石為末和飯與鷄食之後取鷄食甚補益

蒲黃散 治丈夫陰下濕痒

右用蒲黃末傳之三次良 千金論曰有人自少至長陰下常有乾癬者宜依癬方主之有五勞七傷而得陰下癢濕搔之黃汗出者宜用補丸主之仍須傳藥治亦有患妬精瘡者以妬精方治之夫妬精瘡者男子在陰頭節下婦人在玉門內並似疔瘡作半劑

食之大痛疝即不通也

苦參湯 療陰囊下濕痒瘡

右煮槐皮苦參黃蘗及香薷汁洗之並良

礬石散

出上海上方

治陰囊上生濕瘡黃水流注有妨行步

右白礬不以多少研為末入冷水內洗瘡即愈

療陰下濕痒成瘡

出聖惠方

右煮桃皮和黍米汁洗之

療陰下濕痒瘡

出十便良方

右用甘草一尺以水五升煮取三升漬洗之日三四

度便愈

治陰囊濕痒瘡

方見本門前下部瘡類即淋滯藥

猪蹄

兩脚

槐寄裏白皮

切一升

右以水煮洗瘡一日五六遍永瘥

治血驅風散

出仁齋直指方

治肝腎囊濕痒脚下瘡癬

當歸

川芎

白芷

華陰細辛

白蒺藜

炒去刺

桃仁

浸去皮焙

白芍藥

半夏

製

塊潤

五靈脂

甘

草 生各三錢 蒼朮 炒 杜仲 姜汁炙炒去絲 辣桂 天麻 薏苡

仁 橘紅 檳榔 厚朴 枳殼 各五錢

右剉每服三錢水二盞半薑五片棗二枚煎至七分

濾清煖熱入乳香末少許食前服乳香以佐心氣使

心腎相交或有熱證去桂乳香加黑豆煎

銅碌散

出濟生枝粹方

治男子婦人陰部淹瘡

五倍子

細研五錢

白礬

一錢

銅碌

少許

輕粉

一字

乳香

五分

右為細末洗淨摻之

治男子婦人陰瘡濕痒

右用槐石末摻之及煎水洗之

治陰生濕疱瘡及陰蝕瘡

出三因方

右取石硫黃研如粉傅瘡上日三以葱椒白礬湯洗

淨次以藥傅之又方燒杏仁搗塗之

青黛散

出危氏方

治下部生濕瘡熱痒而痛寒熱大小便

澁食亦減身面微腫因食魚蝦發風熱物得之

右馬齒莧四兩研爛入青黛一兩再研勻塗上立有

神効仍服八正散日三服

生薑平胃散 治腎風瘡及下部濕

右用生薑皮炒焦為末濕者乾傳之乾瘡搔磨香油調傳如覺熱不可忍用平胃散撥去之或入平胃散於薑皮末內傳之自然伏大熱

宣毒散

出說方

治丈夫陰氣盛陽氣微弱風寒之氣乘

虛而客於腎經治陰囊濕痒而微熱一種但痒而不濕一種在陰根并毛際痒一種濕不痒一種無汗者

謂之毒氣不洩此藥治之

全蝎

微炒

白僵蠶

炒去絲嘴

蟬蛻

洗淨去土炒焙乾各半兩

石燕

三兩醋碎

火煨令蘇

右末每服二錢用鹽酒煮猪腰子一雙蘸藥嚼之以

元煮酒送下用蒸餅乾喫壓之累服見効此方亦治腎臟風濕流注生瘡痒甚者一神効兼用卷栢散洗

卷栢散

出說方

陰濕生瘡出汗痒甚服前藥去腎臟風

此作洗藥

卷栢 荆芥蕙 川烏 大艾葉 升麻去下根節 露

蜂 晚蚕沙 藁本頭各一兩

右為散每服二兩水三大碗煮取一半瀝去滓先薰後洗瘡安即止大抵人不可以熱湯浴洗得腎氣耗散早年目昏又脚無力

治陰上生瘡似喫蟲所食連年不效出護金方

右以胡粉一件食刀上煨令通赤與椒末相衮生油調塗之類度必效

治陰腫痛用出永類鈐方

苦棟根 白楊根 木香 吳茱萸 栴榔各等分

一方出永類鈐方

密陀僧 黃連 硃砂

右為末傳

一方出永類鈐方

五倍子 黃連 膩粉為末

甘草烏豆湯洗拭傳之

又瘡癩疼不可忍

出永類
鈐方

香豉一合地龍新糞

水少和成膏塗之

陰邊生瘡濕痒

出永類
鈐方

枯皮向北不見日者取煎湯洗三黃湯料煎湯

陰囊濕痒生瘡及痕瘡

出澹
療方

五倍子煨末輕粉

右為末傳

吳茱萸散

出澹
療方

治風寒濕注下成瘡

檳榔一兩硫黃半兩

吳茱萸一分川烏頭一個

右四味為細末摻瘡上乾者油調傳之

療疔濕時行熱燥瘡

出本
草

以青羊膽和醋服之良

治男子陰痒痛

出本
草

白殭蠶七枚為末用酒調下方已

治陰冷漸漸冷氣入陰囊腫滿恐死疼悶不得眠

出本
草

以大利根煮汁服立瘥

治陰毒痿出本

以無食子燒灰用傅之

治陰腎痿弱囊下濕痒出本

用無名木皮煎取其汁小浴極妙

治丈夫陰囊濕瘡出本

以鑄錘鉏孔中黃土為細末摸之亦去陰汗最佳

治陰莖熱瘡出本

用鉞爪燒為灰傅之

治陰痿出本

取露蜂房燒灰酒服之

療瘡及濕痒出本

用枯白皮北向不見日處大握水二升煮之一升

洗之三五遍冷復煖若涉遠恐風即以米粉即効

治陰囊下濕痒及瘡出本

以槐枝煎湯

妬精瘡方

麝香散 出三因方

治妬精瘡痒而濕者

麝香 黃礬 青礬 各等分

右為細末小便後用此小傳之一方治濕生瘡黃流

注白礬不以多少為末先以冷水洗瘡然後傳之

津調散 出三因方

治妬精膿汁淋漓臭爛

黃連 款冬花 各等分 麝香 少許一方不用

右為末以地骨皮蛇床子煎湯用軟帛浥乾津調藥

傳之最忌不得用湯洗諸皆然

黛青散 出仁齋直指方

治妬精瘡

右用久年冊皮青紙以津唾粘濕貼上明日又重貼

勿動自愈舊青紙蓋取青黛涼而然紙舊亦可散熱耳

白散子 出三因方

治精瘡痒不可忍者及皮膚諸瘡手抓

疽瘡

晉礬 不拘多少炒 輕粉 每服入少許

右研勻搽瘡上立瘥如治漏瘡每服挑一錢入黃栢

末一錢輕粉半錢

訶子散 治妬精瘡 方見本門前下部瘡類

田螺散 治妬精瘡

右用大田螺兩箇和殼煨存性為末入輕粉摻所患處即可安一方用麝香少許

麝香散 出千金方 治妬精瘡者男子在陰頭節下婦人在

玉門內并似疔瘡作半劑食之大痛疔即不痛

右用銀釵以綿裹用臘月猪脂薰黃火上煖以釵烙

瘡上令熱取乾槐枝熱之塗之以麝香黃礬末傳之小便後即傳之不過三兩度瘡但用疔痢方中藥傳之即瘥

油髮散 出仁齋直指方 治妬精瘡陰蝕瘡

乾青黛 欵冬花 各等分 油髮

右為末入此麝香或摻或津唾調傳

麝香散 出仁齋直指方 治妬精瘡

乾青黛 欵冬花 各等分 麝香 少許

右為末先以地骨皮桑白皮煎湯溫洗軟帛拭乾次以津唾調藥傅

治疔瘡即妬精瘡又名陰蝕瘡又名趕炷瘡

右用鬼枯婁煎湯洗患處次用枯婁灰存性研為末傅之凡兩次立愈夫邏慾之人多患妬精瘡者以婦人陰中先有宿精男子與之交接虛熱即成痛初發在陰頭如粟沸之則痛甚矣兩日後濃清作白孔蝕之大痛婦人亦有此病生在玉門外以疔蝕瘡不痛

為異耳出三因方

陰蝕瘡方

洗毒湯

出瘡科
精要方

治蝕瘡

苦參

防風

甘草

露蜂房

各等分

右咬咀水煮濃汁洗瘡腫痛

塌腫湯

出瘡科
精要方

治外陰蝕下疔瘡瘡腫痛

芍藥

丹參

白欬

黃芩

去黑心
各等分

右咬咀用藥五錢水一升煎十沸帛蘸頻塌之

甘草大豆湯

出瘡科
精要方

治外陰蝕下疳瘡瘡腫痛

甘草

二兩

赤皮葱

莖

大豆

一合

右用水三升煮豆熟為度槐條一握同煮清汁熱淋

浴冷即再溫浸三二時度

豆垆散

出仁齋
直指方

治陰蝕瘡

菘豆粉

蝦蟆

各一分

胭脂

半分

右為細末乾摻

雄黃散

出十便
良方

治蝕生瘡或痒

雄黃

礬

各二分

麝香

半分

右為末摻瘡即瘥

蒲黃散

出三方

治陰蝕瘡

蒲黃

三兩

水銀

一兩

右研勻先以猪肉湯浸洗挹以藥摻之

胭脂散

出百一
選方

治陰瘡

垆子胭脂

真菘豆粉

右同研傳之

洗湯方 出聖惠方

治陰下生瘡

地榆 黃栢 各八兩

右咬咀以水一斗五升煮取六升去滓適冷煖洗瘡

日再或只煮黃栢汁洗亦佳

蝦蟆散 出聖惠方

治陰蝕欲盡瘡痛甚者

蝦蟆 一枚 兔糞 一兩

右為同研令細日三四度用少許傅瘡上

鷄糞散 出聖惠方

治陰蝕瘡

鷄糞 一分 礬 一分 火煎茶 一分

右搗更細研如粉先用桑枝葱白豉湯洗後貼藥日

三度貼之

黃連粉散 療陰瘡有二種一者作白膿出名曰陰蝕

瘡二者但赤作瘡名為熱瘡若是熱瘡此方

右以黃連和胡粉末傅之必効一方用胡粉傅之驗

又方 治如前

右取黃栢黃芩各一兩切作湯洗用黃連黃栢末傅

之

又方

紫笋茶末

一分 荷葉 一片
燒灰

右為末以鹽漿水調傅之三五度即愈

又方

右取停水處乾卷地皮末傅之神効是長郭承思用之効

麻仁膏 療人陰生瘡膿出作白

治陰蝕瘡
右取高昌白礬麻仁等分研煉猪脂相和成膏槐白皮作湯瘡拭令乾即塗膏然後以楸葉貼不三五度瘡

右用肥猪肉五斤水三斗煮令極爛去肉以湯極熱便以漬瘡中冷即愈

下陰疔蝕方

烏金散 治疔瘻惡瘡

麝香 蟾酥 各一字 粉霜 硃砂 輕粉 各一錢 銅碌

普濟方

圭

砒霜 白乾薑 草烏頭 天南星 船上硫

黃 各半
兩

右為細末紙撚縱之或浸湯蒸餅和為挺子縱瘡口
內上以膏貼之

乳香散 治下疳瘡

乳香 沒藥 輕粉 苗丹 龍骨 烏魚骨

黃芩 銅碌 以上各
一兩 黃連 麝香 少
許

右細末以溫漿水洗過貼瘡上

陀僧散 治疔瘡

乳香 沒藥 另
研 龍骨 銅碌 枯白礬 赤石脂

黃丹 飛 密陀僧 烏魚骨 麝香 各等
分

右為細末乾貼之

截疔散

密陀僧 白欵 白芨 黃丹 各一
兩 黃連 半
兩

治年深疔瘰瘡大効

腦子 麝香 各半
錢 輕粉 一
錢

右為細末和勻為散每或摻或縱瘡中以膏貼之

勝疔散 治一切下疔等瘡

黃栢去皮黃連揀淨訶子去核密陀僧各三錢輕粉 人中

白麝香少許

右為細末用漿水洗滌了乾貼或油潤了貼亦得

博金散 治下疔蝕臭爛腫痛

麝香 乳香半錢黃丹 輕粉各一錢白堊二錢蜜陀

僧半兩白礬半兩與密陀僧同為末相和炒鍋內火上炮汁盡

右為細末先須另用槐枝葱白鹽甘草熬湯淋濕洗

一二時挹乾摻上頂藥每用藥先須浴然後摻藥甚

者三五次瘥

傳藥方 治疔瘡

麝香三錢白芨半個坯胭脂一錢輕石膏五文黃栢炙

滓七次木鱉子二箇去皮核子扎之炙酥滓七次

右為細末如爛甚者入炒黃丹三幹甘子

洗藥方 治下疔瘡洗藥

甘草 三錢 荆芥 一錢 淡竹葉 一握 燈心 半錢 麥門冬草 一握 小

麩 一握 七莖

右同劉為麩散湯洗之

甘石散 治下疳瘡

橡斗子 燒灰存性二錢 密陀僧 蘆甘石 各一錢半 輕粉 一分 龍

骨 半錢 麝香 少許

右為細末先用荆芥杜仲川椒水煎湯於溫浴洗罷然後藥一搽乾貼

蝦蟆散 治疔蝕人諸處但是赤血利久不瘥

蝦蟆 一枚 五月五日燒灰研 金銀土鍋 人糞灰 一方云髮灰各一兩

麝香 研一分 銀末 小豆許

右為末每用少許傳瘡上即瘥痢者吹下部

玄胡散 治下疳瘡

玄胡索 五文 輕粉 五文 石膏 五文 枇杷葉 四淨洗去毛 活田

螺 一箇 燒灰以煨白 穀為度并肉用

右為末傳之

黃連散 治下部疔瘡陰濕神效

黃連 黃栢 輕粉 枯礬 黃丹
各半 二錢 各一

右為細末漿水葱白湯漂洗後乾貼之

金銀花散

出德生堂 經驗方

治下疔瘡

金銀花 荆芥 蛇床子 朴硝 甘松 白芷

檳榔 各一 兩

右咬咀每用五錢水五碗加葱白二根同煎數沸盆水洗蒸後洗却上藥末

乳香散 治下疔瘡

乳香 麝香 輕粉 白礬 黃丹 大梔子
等分

右將梔子切開去仁安前五味藥在內繫定燒成灰為細末貼瘡上

金銀花散

出百一 選方

治下疔瘡

竹蛀屑

少許

金花胭脂

四箇

海鯁鮓

一箇

麝香

三十文

石膏

五文 煨

右為細末傳之

丹髮散 治下疳瘡

白礬為末 黃丹 川山甲洗人髮 焙剪細香 等分

右停用橡斗盛兩箇合定在用膠泥固為原炭火燒過取出冷定打破橡斗內取藥研細末加輕粉麝香少許和勻瘡上用漿水洗淨無糲帛搵乾將藥貼填三二次即愈

黃連輕粉散

出醫方集成 治腎瘡

用抱鷄卵殼鷹爪黃連輕粉等分為末煎清油調

塗香附子白芷五倍子煎水洗之一方有黃丹

龍骨散 治疔瘡

烏魚骨 赤石脂 龍骨 孩兒茶各等分

右為末乾貼之

麝香散

出瑞竹堂方

治男子下疳瘡

白礬煨過 輕粉 麝香 蜂螯就活壓去尿乾焙

右為細末貼瘡上三兩次先以口含漿水洗淨搵乾

用藥

僧公散 治下陰疔瘡

密陀僧 半錢 甘草 炒 一分 黃丹 一錢 炒 麝香 一分

右為細末乾貼或香油調上大有効驗

輕粉散 治疔瘡漏

輕粉 沒藥 乳香 密陀僧 各等分

右為細末熬漿水葱白湯洗淨口瘡淹乾用藥貼之

麝香散 治下陰疔瘡

右用乾瓦一片鋪黃丹一錢上鋪白礬一兩枯盡為

末研入麝香膩粉少許同研勻先用葱白湯洗了上之甚妙

上沸散 專治一切疔瘡疾

白礬 皂子大 乾胭脂 少許 錫鏹 已上約量 勻堆奪 狗糞下土狗

分量

右為細末洗淨瘡乾貼之

烏金散 貼惡瘡癩瘡

右用椽子二箇內一箇實白礬末相合定用黑俏麻

皮纏了火內燒研加麝香少許洗淨瘡貼之

輕粉散 出神效方 治疔瘡

馬明退 燒灰三錢 輕粉 少許 乳香 少許

右為細末先以溫漿洗淨乾摻之

疔瘡散 治疔瘡連年月深不退者疔病重欲死此藥

麝香少許各等分

用漿水洗就溫搽即可

朱粉散 治諸疔瘡多時不効

訶子 一兩 枯白礬 半兩 黃丹 二錢

右為細末先用溫漿漂了傳之效

佛手散 治男子婦人下疔瘡

人中白 五錢 鐵 錢半 輕粉 錢半 麝香 一字

右為細末口含鹽水洗淨瘡搵乾貼之如鼻血不止口含水鼻內啗有效

螻蛄散 治疔瘡漏年久不效

螻蛄 上截放於葱筒內陰乾三分 麝香 少許

右為末蟾眉汁急着手和為丸如芥子大每服用一
九即調傳瘡上

蟾麝散 治疔瘡漏

膽礬 二錢 蟾酥 一字 麝香 少許

右為細末用蒸餅心和丸芥子大紐在瘡內

龍骨散 治冷疔

空肚草 乾為末 龍骨 生用 虎骨 溫紙裹衣灰火內煨存性

右為細末傳之

乳石散 出神効方 治疔瘡久不愈者

海孔石 燒紅醋淬數次二錢 金銀花 一錢

右為細末每服二錢半如蒼茶一般每服用二服如
病一年服藥半年則愈

檳榔散 治疔瘡浸淫不愈

右用檳榔燒灰存性為末入輕粉用蒸飯甑蓋上滴
淚調傳之立効

梔子散 治下疔瘡

右用梔子一箇去瓢裝入明礬末麵糊合口火燒熟存性為末洗淨乾摻上隨効

五倍子散 治下疳瘡

右用孩兒茶為末五倍子燒灰存性加龍骨貼之

黃僧散 治疔瘡

黃栢

密陀僧

各等分

右為末如泥葱白漿水洗淨乾貼之一方有硃砂

砂糖散 治諸般疔

右用砂糖與麵各五錢同炒熟加檳榔末一兩無時

吞喫

蜣螂散

出德生堂經驗方

治冷疔透骨相穿膿水常流不愈

者

右可用屎蜣二三箇炙令乾研為末加輕粉一錢和勻却用烏龍德生膏藥捏作定子蘸藥入瘡孔內又再用膏藥外貼在瘡上換用藥頻上直至生肉為驗

銀粉散

出范氏方

治下疳瘡陰頭生瘡

右用牆上白螺螄不以多少火上煨酥為細末於水
內飛過土石麤者次用輕粉隨分兩入在藥內每用
少許乾貼在瘡上一方不用膩粉仍生鹽水洗五七
次後以藥傳之

枯礬散 治疔瘡

燒棗子 存性 枯白礬

右為末乾用油調濕則乾傳如不効再加二味五倍
子存性青黛

應効散 出瑞竹堂方 治下疳

右用地骨皮不以多少陰乾杵為末每月紙撚蘸絰
瘡內頻用自然生肉更用米飲調二錢無時日進三
服

立效方 出瑞竹堂方 治下疳

用燈心灰入輕粉麝香少許乾貼之濕小油調貼

桃花散 治下疳瘡

青蛤粉 一兩 黃丹 炒二錢

右為細末乾貼之立効

鯽魚湯 出聖惠方

治陰生瘡蝕欲落者

鮮鯽魚 去腸肚鱗

右用密陀僧細研滿填魚腹用線縫合用慢火炙令乾不得焦黑槁為末入麝香一錢細研每用藥先以煖鹽漿水洗冷淨潔用輕帛拭乾避風貼散以帛慢緊一日一洗一換五七日瘡

枯礬散 治疔腫瘡

右用黃栢末枯礬二味和勻乾搽瘡上

白芷散 治疔瘡

右用甘草節白芷五倍子水煎溫洗

治下疔瘡 出德生堂經驗方

右以孩兒茶研細為末先洗淨則小油調溲濕則乾搽上神効

治疔瘡方 出海上名方

右用透明膠香為末入輕粉少許搽之乾則麻油調

抹

五倍散

出百一
選方

治下疳

五倍子

甘草 滑石

各一錢
一號丹字

右為細末先以甘草湯或漿水湯洗之傳藥一方無

滑石

治惡瘡癩疔

出百一
選方

右治爛甚出膿不淨者以活地龍二十條洗淨了用

餅子盛之以重紙裹開一竅夜間入患處令地龍食

瘡膿盡明日傳藥如覺痒不妨不令患人知

治疔瘡浸淫不愈

右用糯米燒灰存性為末傳之

治疔瘡

右用板門背後飛塵羅過蘆水洗淨乾貼之即愈

治疔氣入陰胞囊腫大

用黃栢燒灰存性猪膽汁調傳

凡下疳久不愈者

右俗呼臊疔可以導水丸禹功散先瀉肝經乾以木

香散傳日上三兩度後淡粥一二日止

立應散 出楊氏家傳方 治疔瘡

麝香 半錢 另研 黃栢皮 一錢 黃丹 一錢 瓦上飛過 另研 白礬 半兩 瓦上飛過

研 地龍糞 一兩 瓦上焙乾 另研

右件研勻溫水洗瘡口用搥乾用藥摻患處日用三

次

斂肌散 出楊氏家藏方 治下疔瘡

牡礪 火灸 密陀僧 研 橄欖核 燒灰 蠟茶 四味各等分

右件為末乾摻瘡上如乾摻不止即以油調傳之

地龍散 出楊氏家藏方 治下疔瘡

地龍糞 韭菜地內者不以多少火煨過

右為細末入膩粉少許同研勻先以甘草湯洗了後用藥乾搽或油調傳亦得

換肌散 出衛生家寶方 治下疔兼治一切惡瘡

密陀僧 研細炒 膩粉 一錢 黃蘗皮 研為末 炒一錢半

右同和勻末先以溫湯洗用軟帛子乾摻上患甚者
不過三以次傳藥即愈

癩風 附論

癩風證治男子精血不調為風冷所襲致陰下濕痒之不
已流注手脚悉生瘡瘍名曰癩風世謂腎臟風者乃認
癩為腎也癩屬宗筋系於肝胃陽明養之陽明主肌肉
此經流入四肢生瘡正胃之癩風非腎臟風也

方

蒺藜散

出仁齋直指方

治癩風上攻耳鳴目眩下注陰濕瘡

痒

蒺藜

炒杵刺

草烏頭

水浸三日逐日換水去皮各半兩

白芷

白附

子生蒼朮

炒荆芥穗

各二錢半

右為細末米糊丸如梧桐子大每服三十九上則茶

清下則鹽酒服

烏頭煮鹽方

出三因方

治原臟氣虛癩風入胃上攻頭痛

眼赤移戾昏澁口乾咽燥下注四肢疼痛歷節陰下

濕痒足脛腰膝遍生瘡風水浮腫

川烏頭

洗淨者大破開小者全用

蒼朮

具茱萸

各四兩

京三稜

半兩白鹽

十二兩水煮四味候烏頭透控乾洗淨鹽

右為末米糊丸如梧桐子大每服五十九空心温酒

鹽湯任下之凡水病必忌鹽此藥用鹽無所忌

四生散

出三方

治癩風上攻下注耳鳴目痒鼻赤齒浮

或作口瘡下注陰濕四肢瘙癢遍體生瘡及婦人血風瘡

白附子

沙苑蒺藜

黃耆

羌活

各等分

右為末每服二錢鹽酒送下有猪腎破開入鹽搽藥

間煨服亦佳一方用猪腰子一枚切開去筋膜入藥

少許於内濕紙裹炮熱再入藥三錢浸酒調藥并腰

子嚼喫令蓋底淨盡三五服或只用鹽酒調亦可或

腰子一枚分兩次用羊腰猪腰皆用雄者為妙

蛇床子散 温中坐藥

右以蛇床子仁為末以白粉少許和勻令相得如棗

大綿裹之自然溫矣

陰汗 附論

夫虛勞損腎氣不足故陰汗冷夜自泄風邪乘之則搔痒也

方

海桐皮散 治陰囊濕痒

黃連 全蝎 硫黃 花椒 大附皮 樟腦
海桐皮 白芷 輕粉 黃皮 蛇床 枯礬

榆樹皮 班毛 少許 徑樹皮 剪草

右為細末臘油調傅

山茱萸 出銜藥院方 治腎氣虛弱陰囊多汗或冷腫痛不

消或牽引小腹時發疼痛並皆治之

山茱萸 吳茱萸 硃砂 飛 紫稍花 零陵香

藿香葉 丁香皮 以上各半兩 木通 細辛 木鱉子

天仙子 蛇床子 續斷 遠志 各二錢

右為盒末每服用一匙水一碗煎五七沸先以熱氣

薰後浴亦益避風

琥珀藥

出御藥院方

治陰囊瘙痒不已及自汗不收

西琥珀

黃丹

各六錢

枯白礬

一錢 麝香

四錢 龍泉粉

二兩

右為細末每用半錢摻在手心於患處擦

牡蠣散 治男子陰汗濕冷痒疾

牡蠣

灰 蛇床子

川烏

兔絲子

良薑

各半兩

右為細末用藥三錢白麵一錢酒醋熱調勻滯洗浴之或塗外腎帛包尤妙

浥乾方

出御藥院方

治津液不散攝泄汗玄府不開腠疎

汗多不止

滑石

二兩

白芷

寒水石粉

半兩

黃丹

坐看多少用顏色如桃紅為度

右為極細末和勻每用乾摻患處

蛇床湯

治囊濕

蛇床子

吳茱萸

荆芥

細辛

右各件少許煎湯洗之多年壁上土細碎紗袋盛撲

即可

乾荷葉方

出御藥院方

治陰囊腫痛濕潤瘙痒及陰痿弱

乾荷葉

牧蠟粉

蛇床子

浮萍草

各等分

右為細末用蘿篩每用兩匙一大碗同煎三五沸瀝

去滓淋渫洗避風冷

真蛤散

出人齋直指方

治陰汗濕痒

蘆甘石

碌者一分

真蚌粉

黃連

五倍子

各半分一名文蛤一

方用油調傳之妙

右為細末摻洗以蜂房大附皮煎湯温洗

牡蠣蛇床子散

治陰汗

右用牡蠣和麻黃根蛇床子乾姜為粉傳之

鹽梅湯

療陰囊下濕痒皮剝

右用烏十四枚錢四十文三撮鹽苦酒一升於銅器

內總漬九日洗之又煮槐皮黃栢汁及香菓汁并良

爐甘石散

出仁齋直指方

治陰汗濕痒

綠色爐甘石

一分 真蚌粉

右為細末撲傳

陀僧散 出百一
選方

治陰汗神効

右用蜜陀僧好者研令極細好粉撲使之乾瘡用津調傳

五加皮湯 出海
上方

治陰痒有汗

右用五加皮煎湯洗之密陀僧撲之百藥煎末傳之

安腎丸 出危
氏方

治陰汗不止

右以安腎丸用舊乾醬煎湯入鹽少許調下

大蒜丸 出危
氏方

治陰濕痒

右用大蒜不以多少煨剥去皮爛研淡豆豉末搜丸如梧桐子大硃砂為衣每服三十九棗子燈心煎湯

送下

洗方 出危
氏方

治陰汗濕痒

用蛇床子酒浸炒白礬陳醬煎水淋洗

治陰痒汗出 出肘
後方

右嚼生大豆黃塗之亦療屎尿瘡

東垣先生蘭室秘藏方

一富者前陰間常臊臭者又因連日飲酒服中不和
 應之曰夫前陰者足厥陰肝脈絡之陰器出其挺末
 凡臭者心之所主散入五方為臭入肝為臊此其一
 也當於肝經中瀉莖間是其本後於心經中瀉少衝
 乃治其標酒者氣味陽能生裏之濕熱合於下焦為
 邪故云下焦如瀆又云在下者引者竭之酒者是濕
 熱之水亦宜決前陰以去之是合下焦二法之治
 清震湯 治陰部時痒而有臊臭之狀

紫胡稍一錢 澤瀉一錢 車前子半錢 木通半錢 生地黄三分 當

歸稍三分 草龍膽三分

右件前藥剉如麻豆大都作一服水三盞煎至一盞
 去滓稍熱服空心腹中宿食消盡服之便美饌壓之
 此藥紫胡入肝為引用澤瀉車前子木通其滲泄之
 味利小便赤除臊氣是名在下者引而竭之生地黄
 草龍膽之苦寒瀉酒熱更前兼車前子之類以徹肝
 中邪氣肝生血用當歸以滋肝中血不足也

固真湯 治兩冷前除痿弱陰汗如水小便後有餘滴
尻臀并前陰冷惡寒而喜熱

升麻稍二分 羌活稍一錢 酒黃栢一錢 蒼朮半錢 紫胡稍一錢

甘草炙一錢 草龍膽二分 澤瀉一分 黃栢二錢 知母二錢

右剉如麻豆都作一服水三盞煎至一盞去滓稍熱
服空心腸空服之以早飯壓之恐犯胃氣

瀉肝湯 治小便弱黃臊臭淋瀝兩丸如冰陰肝浸多

酒黃栢一錢 藁本二分 當歸二分 猪苓三分 澤瀉四分 黃芩

升麻半錢 紫糊五分 羌活根一錢 蒼朮半錢 漢防已一錢 紅

花一錢 麻黃根三分

右件剉如麻豆大都作一服水三盞煎至一盞去滓
臨臥服大忌酒濕麵

青紅湯 治外腎冷兩髀陰肝前陰痿陰囊痒臊氣

紫糊二錢 甘草稍二錢 酒黃栢二錢 升麻一錢 當歸稍一錢

漢防已一錢 紅花一錢 羌活稍一錢 澤瀉半錢 麻黃根一錢

草龍膽一錢 茯苓一錢 五倍子二十箇

右剉如麻豆大都作一服水三盞煎至一盞去滓稍熱服食前忌酒濕麵房事

椒粉散 治前陰兩丸濕痒秋冬尤甚夏月微減

麻黃子一錢 黑狗脊半錢 班毛一錢 猪苓三分 肉桂二分 當歸三分 輕粉少許 紅花少許 蛇床子半錢 小椒半錢

右為末乾摻上避風寒冷熱處坐臥

補肝湯 治前陰冰冷并陰肝兩脚痿弱無力

黃耆七分 人參三分 炙甘草根半錢 葛根三分 升麻四分 柴胡四分

羌活二分 陳皮二分 當歸二分 黃連一分 用連翹 黃栢二分 白茯苓二分

苓三分 澤瀉二分 蒼朮半錢 麴末二分 猪苓二分 知母一分 防風二分

右剉如麻豆大都作一服水二大盞煎至一盞去滓稍熱服空心忌酒濕麵

淋瀝藥丁香散 出御藥院方 治腎氣虛弱陰囊多汗或冷

腫痛不消或牽引小腹時發疼痛並皆治之

紫稍花 丁香 肉桂 蛇床子 吳茱萸 細辛去苗以上各二兩 紅豆 川芎 良苕子 黑狗脊

藿香葉 甘松 山茱萸 以上各一兩 蜀椒 微炒一兩 香附

子 芫花 芭戟 木香 甜葶藶 香白芷

槐子 炒 芸臺子 天雄 炮裂不去皮已上各三分

右件另盪末用酸漿水三升藥末一兩鹽少許煎五

七沸漸漸乘熱小浴下倍臨卧用之

溫腎湯 出試效方 治面色痿黃脚痿弱無力陰汗陰莖有

天色

麻黃 六分 防風 一錢半 白朮 一錢 澤瀉 二錢 猪苓 白茯苓

一錢 升麻 一錢 柴胡 一錢 酒黃柏 一錢 蒼朮 一錢半

右件分作二服水二大盞煎至一盞去滓稍熱服食

前一大晴明服之候一時辰方食

治陰汗 出本草

無食子燒灰先以微溫湯浴了即以帛微裹後傳

灰囊上甚良

治陰汗 出本草

以苘蓉子煎湯洗之

猪蹄湯 治陰汗

猪蹄 一具 浮萍草 三兩

右以水三升煮取半升去滓以瓶子盛汁內陰瓶中
漬之冷即出拭乾使傳後藥粉之

又方

普薇根皮 各三分 黃蘗 各三分 朴硝 各一分 蛇床子 各一分 甘草

灸一分

右為散用前法浸洗後以傳瘡上

鷄子治 主著硃砂

右取鷄子一枚煮熟剥取肉更用生鷄子二箇傾取
白和熟研令細以帛裹之立定

甘蘗散 主著硃砂

甘草 黃栢 白礬 燒令汁盡

右為末傳之瘡上

普濟方卷三百一

總校官候補知府臣葉佩蓀

校對官編修臣張九鐘

謄錄監生臣古錫